

Cudesch per leger e na lexicon

Nov cudesch davart l'istorgia dal liberalissem en Grischun

■ (anr/grc) Il venderdi passà han l'autur e schurnalist Hansmartin Schmid, il president da la pld Grischun, Christian Rathgeb, la preschentan- ta da la chasa editura Südostschweiz Myriam Engler ed il plidader da pressa da la partida liberademocrata Silvio Zuccolini preschentà il cudesch «Nichts mehr von dahinten DAVORN.» Hansmartin Schmid descriva en quest'ovra l'istorgia dal liberalissem en il Grischun. «I nun sa tracta d'in lexicon, i duess esser in cudesch per leger per mintgin», quai ha l'istoricher ed enconuschider dal liberalissem Hansmartin Schmid fatg a savair a chaschun d'ina conferenza da pressa dal venderdi passà.

Na betg mo puncts culminants

En l'istorgia dal liberalissem grischun nun dettia durant il temp be puncts culminants la tempra ha l'autur da quest cudesch Hansmartin Schmid che descriva questa ditg. «Nus avain gi fortuna d'avair pudì engaschar Hansmartin Schmid per descriver nosa

istorgia», è il president da la pld Grischun Christian Rathgeb persvadì, pertge el enconuschia l'istorgia dal liberalissem da radund 140 onns. «Tgi che vul chapir la politica da las partidas grischunas sto enconuscher l'origin ed il svilup da questas», ha il president da la pld Christian Rathgeb manegià. L'ovra dal'autur Hansmartin Schmid saja «in term impurtant per l'istorgia da las partidas grischunas», è Christian Rathgeb persvadì.

Il titel è in citat da Florian Gengels

Il titel da quest cudesch Nichts mehr von dahinten DAVORN eligi dal autur e redatur Hansmartin Schmid es in citat da Florian Gengels dal 19avel tschientaner e Hansmartin Schmid descriva en ses cudesch objectivamain ils success e na betg success dal svilup dal liberalissem en il Grischun. Martin Schmid ha ditg a chaschun da questa orientaziun als meds da massa ch'el haja fatg gugent quella lavur, er sche el na haja chattà naginas sensaziuns sco ta-

las durant sias retschertgas en ils differents archiv.

La separaziun tranter liberalissem ed ils democrats grischuns e la fundaziun da la partida pps cun l'uniun da la BGB, cura che Leon Schlumpf è vegni eligi sco cusseglier federal, saja in punct decisiv per l'istorgia dal liberalissem Grischun, è vegni fatg a savair. «Quest cudesch nun es ina acziun da propaganda per la pld mo dess dentant esser schi objectiva sco pussaivel», ha l'autur da «Nichts mehr von dahinten DAVORN», Hansmartin Schmid, declerà.

Adattà per mintg'in

Sco gia menziunà ha il autur Hansmartin Schmid na vuli scriver in cudesch scientific e na in text da reclama per la pld ed era na in lexicon, mobain in cudesch legibel quasi per mintgin e che duai descriver l'istorgia dal liberalissem en il Grischun cun tut ils success e mains success da questa partida.

Hansmartin Schmid: «Nichts mehr von dahinten Davorn» è ina publicaziun da la chasa editura Südostschweiz da 280 paginas che custa 34 francs.



Astur Hansmartin Schmid, Myriam Engler da la chasa editura Südostschweiz ed il president da la pld Christian Rathgeb preschentan il cudesch gist edì «Nichts mehr von dahinten Davorn».